

01.10.2019

UKA2019/153

Inatsisartut aalajangiiffigisassaattut siunnersuut Naalakkersuisut peqquneqarnissaat pillugu sulissutigeqqullugu erngup nukinganik iluaquteqarluni nukissiorfiliornissaq Qasigiannuanut aamma Aasiannut pilersuisussamik, aamma Nuup erngup nukinganik iluaquteqarluni pilersorneqarnerata annertusineqarnissaanik, maleruagassat siunnersuutip aallaqqaataani tunngavilersuutitut nalunaarsorneqartut naapertorlugit aaqqissuunneqartussamik (Immikkoortut A-miit D-mut)

(Inuussutissarsiornermut Nukissiuuteqarnermut Ilisimatusarnermullu Naalakkersuisoq)

Mingutsitsinngitsumik erngup nukissiorfeqarneq Siumup anguniagaanut pingaarutilinnut ilaavoq, taamaattumik Qasigiannuani aamma Aasianni erngup nukinga atorlugu innaallagissiorfinnik pilersitsinissamut kiisalu Nuummi erngup nukinga atorlugu innaallagissiorfiup allaneqarnissaa tunngaviusumik Siumumiit isumaqatigaarput.

Ukiuni makkunani nunarsuaq tamakkerlugu FN-p anguniagaanut tamanna ilaalluinnarpoq.

Nunarpullu allarpassuarnut naleqqiullugu malinnaalluarmat nuannaarutigissavarput.

Siumumiit pingaartipparput nukiup pilersinneqartup pingortitamut akornutaannginnermi saniatigut innuttaasunut akikitsumik pilersuinissaa.

Taamaattumik aamma Naalakkersuisut isumaqatigaagut nukissiorfinnik minnerusunik pilersitsinissamik inoqarfinni makkunani pilersitsinissamut tunngavilersuutitik piareersaateqarnissaat: Kulusuk, Qeqertarsuatsiaat, Qassiarsuk, Atammik, Arsuk aamma Illoqqortoormiit.

Taakku saniatigut ataavartumik Nanortalimmi, Paamiuni Maniitsumilu nukissiorfeqalernissamik piareersaatit Siumup tungaaniit tapersorsorpagut.

Siumup tungaaniit aamma Naalakkersuisut eqqarsaateqqaqussavagut nukimmik pilersitseriaat allat eqqarsaatigeqqullugit. Tassani eqqarsaatinut ilaasinnaapput anorip, seqernup ulittarnerup tinittarnerullu nukiinik nukik pilersinneqartartoq.

Aammattaaq Naalakkersuisunut inoqarfiit ilaanni soorlu anori atorlugu nukimmik pilersitsinerit aallartisalereersut eqqumaffigeqqullugit.

Qasigiannuani Aasiannilu pilersitsinissami amigartoorutissatut naatsorsuutaasut Nuummi alliliinerup matussusissagai isumaqatigaarput.

Aningaasalersuinissaq eqqarsaatigalugu Naalakkersuisut kingusinnerpaamik ukiakkut 2020 –imi ataatsimiinnissami aningaasalersueriaaseq sorleq inuiaqatigiit ingerlanneqarnerannut naleqqun-nerpaajunersoq misissoreersimassagaat isumaqatigaarput. Tassunga atatillugu Nukissiorfiit

siunissami qanoq ingerlariaaseqassanersut saqqummiunneqassasoq naatsorsuutigaarput.

Taamatut oqaaseqarluta Naalackersuisut akuerseqqusillutik innersuussutaat isumaqatigaarput, pisariaassappallu ataatsimiitaliani susassaqtuni suliarineqarnissaa akuersaarlugu.

Hermann Berthelsen, Siumut